

太上消滅地獄昇陟天堂懺

被

各整威儀成生虔敬

志心朝禮運念誦持秘密琅函玄微瓊藏當  
願天恩普度地獄咸開慧日照臨慈光攝受  
志心朝禮運念誦持三寶靈文九清聖範當

願大施利濟遍及陰冥度品南宮化生北府

志心朝禮運念誦持十洞真詮萬天仙梵當

願靈慈拯拔玄化敷弘應處幽塗悉沾殊勝

以今將修玉籍特感金科至聖啓途眾真淨

駕遂使九幽交會五苦咸聽迴向奉行讚詠

如法

爾時元始天尊在九清妙境三元寶宮御劫

刃臺中集鸞木林下與太上道君太上老君

諸天眾聖三界尊神九府三官四司五帝察

命童子妙行真人一時同至皆駕八景琅輿

五色瓊輦騎羽騎鳳葆龍旗吟誦洞章朝

贊玉座於是元始天尊矜大慈悲放諸光明

輝映九幽地獄開通一切冥司羅酆眾曰今

日何緣億劫所感恒居黑暗克賴照臨元始

天尊敕命北都大帝五帝考官六官錄吏牛

頭鬼卒虎眼神王三界大魔九幽羣鬼有諸

六宮校集九府死生一十二之河源二十四

之狂行南水會宮之府北海長夜之庭遂得

大軫天慈廣開聖道顯說九真之妙戒當資

五業之幽塗志誠纒起於焚修玄感必彰於

顯應仰賴玄元之化成歸極拔之門稽首歸

依虔誠懺悔

東方有諸罪人處風雷之獄霹靂之牢劍樹

刀山飛戈飄戰穿穴五藏分解四肢常處狂

狂不捨晝夜謹當普薦願遂往生

志心歸命 清都闡教天尊

志心歸命 紫府垂慈天尊

志心歸命 乾坤開度天尊

志心歸命 日月照臨天尊

志心歸命 穹崇聖聖天尊

志心歸命 廣太玄功天尊

志心歸命 轉輪自在天尊

志心歸命 受鍊更生天尊

志心歸命 超凌上境天尊

志心歸命 逍遙太虛天尊

稽首歸依虔誠懺悔

南方有諸罪人處烽輪之獄火山之牢烈火

燎頭猛焰燒面骸骨及粉皮膚焦熱常處狂

狂不捨晝夜謹當普薦願遂往生

志心歸命 玄宮垂化天尊

志心歸命 至聖尊恩天尊

志心歸命 慈悲五苦天尊

志心歸命 愍念三塗天尊

志心歸命 沈冤罪對天尊

志心歸命 滯菟超生天尊

志心歸命 消滅惡趣天尊

志心歸命 寶益善緣天尊

志心歸命 沖昇寶洞天尊

志心歸命 飛陟朱陵天尊

稽首歸依虔誠懺悔

西方有諸罪人處金剛之獄鐵圍之牢金鉗

寒心鐵棒穿腹骨肉爛壞肢節分離常處狂

狂不捨晝夜謹當普薦願遂往生

志心歸命 咸承慈日天尊

志心歸命 普度真風天尊

志心歸命 玄慈極濟天尊  
 志心歸命 聖力開通天尊  
 志心歸命 獨除罪孽天尊  
 志心歸命 懺拔湮沈天尊  
 志心歸命 五道變跡天尊  
 志心歸命 十轉迴靈天尊  
 志心歸命 隨處應化天尊  
 志心歸命 所在生仙天尊  
 稽首歸依虔誠懺悔  
 北方有諸罪人處溟冷之獄沈沒之牢寒丘  
 冰池雪戟霜刃臭炭破壞毒汁洗淋常處  
 狂不捨晝夜謹當資薦願遂往生

志心歸命 化生紫極天尊  
 志心歸命 沖寂碧霄天尊  
 稽首歸依虔誠懺悔  
 東北方有諸罪人處鑊湯之獄鑊炭之牢黃  
 潰四肢煎離六府筋骨臭穢膿血消洋常處  
 狂不捨晝夜謹當資薦願遂往生  
 志心歸命 斷除障礙天尊  
 志心歸命 消滅冤仇天尊  
 志心歸命 煙牢息焰天尊  
 志心歸命 大獄沈光天尊  
 志心歸命 迴骸得度天尊  
 志心歸命 鍊質受生天尊  
 志心歸命 咸登福海天尊  
 志心歸命 廣布法橋天尊  
 志心歸命 神昇闕死天尊  
 志心歸命 蒐陟梵天天尊  
 稽首歸依虔誠懺悔  
 東南方有諸罪人處銅柱之獄鐵牀之牢手  
 抱足登腹焦背爛膿血潰滴煙火燒焚常處  
 狂不捨晝夜謹當資薦願遂往生

志心歸命 上垂睿化天尊  
 志心歸命 普度洪慈天尊  
 志心歸命 太玄起死天尊  
 志心歸命 寶籍生神天尊  
 志心歸命 能蠲業道天尊  
 志心歸命 得脫苦輪天尊  
 志心歸命 飛昇慈海天尊  
 志心歸命 離超受河天尊  
 志心歸命 逍遙真境天尊  
 志心歸命 騰翥仙闕天尊  
 稽首歸依虔誠懺悔  
 西南方有諸罪人處屠割之獄倒懸之牢五  
 藏皮膚四肢筋脉隨手刀刺滿地血流常處  
 狂不捨晝夜謹當資薦願遂往生  
 志心歸命 天垂開度天尊  
 志心歸命 身得上生天尊  
 志心歸命 善施法雨天尊  
 志心歸命 密布慈雲天尊  
 志心歸命 潛超苦海天尊  
 志心歸命 遽脫灰河天尊

志心歸命 龍城化跡天尊  
 志心歸命 鳳閣登仙天尊  
 志心歸命 永離煩惱天尊  
 志心歸命 感果逍遙天尊  
 稽首歸依虔誠懺悔

西北方有諸罪人處火車之獄煙刃之牢輪  
 轉東西支分四大悲榮灰炭遍空常熱常處  
 狎狂不捨晝夜謹當資薦願遂往生

志心歸命 圓穹及物天尊  
 志心歸命 上天度人天尊  
 志心歸命 開度幽暗天尊  
 志心歸命 蕩滌瑕疪天尊  
 志心歸命 應念得力天尊  
 志心歸命 隨念合真天尊  
 志心歸命 消除罪跡天尊  
 志心歸命 落滅惡根天尊  
 志心歸命 悉生樂境天尊  
 志心歸命 咸慶仙鄉天尊  
 稽首歸依虔誠懺悔  
 中央有諸罪人處普掠之獄受榜之牢劍樹

斷筋刀山流血足落斧刃身掛劍榜常處狂  
 行不捨晝夜謹當資薦願遂往生  
 志心歸命 玄思普及天尊  
 志心歸命 法力無窮天尊  
 志心歸命 神功拯物天尊

志心歸命 仙化成人天尊  
 志心歸命 宿命合道天尊  
 志心歸命 死鬼生身天尊  
 志心歸命 盡除惡業天尊  
 志心歸命 懺滌繁障天尊  
 志心歸命 潛消業障天尊  
 志心歸命 永離幽冥天尊  
 稽首歸依虔誠懺悔

二十六百里之鄴都八萬四千重之鬼獄茫  
 茫苦海翻雪浪之千尋渺渺灰河鼓煙波之  
 萬狀無樹不攢於霜刃有山皆列於風刀永  
 無追薦之緣堪歎沈淪之道遂則仰憑寶炷  
 持演真詮宣聖號則濟應十方揭梵音則遙  
 騰三界當願上垂陰德下及幽冥謹當精念  
 道場懺除地獄刀山劍樹脫落地獄獲湯鐘

炭燒煮地獄鐵牀銅柱焦然地獄刀輪火車  
 霹靂地獄拔舌耕犁楚痛地獄釘身鋸解斷  
 截地獄鐵網肢節分離地獄火坑炮灸猛烈  
 地獄刀兵爪距搏撮地獄虎狼鷹犬殘害地  
 獄吞啖鐵丸消爛地獄暗冥肉山斬剗地獄

洋銅飲鐵爛潰地獄鹹水寒冰坼裂地獄大  
 鐵圍山門地獄小鐵圍山門地獄鐵馬鐵牛  
 地獄鐵驢鐵鳥地獄鐵山鐵屋地獄鐵車鐵  
 衣地獄飛刀掣電地獄解身爪頭地獄八寒  
 八極地獄兩舌兩石地獄然手燒脚地獄割  
 皮飲血地獄糞尿地獄鱸肉地獄鏃鏃地獄  
 崩埋地獄阿波波地獄阿婆婆地獄阿吒吒  
 地獄阿羅羅地獄如是焦熱猛焰凜冽寒冰  
 不以懺揚難蠲罪業遂乃用依科教俯伏道  
 緣啓令晨香火之功為曩劫河源之苦拯昏  
 冥於九夜拔楚痛於八門念岱嶽之悲哀關  
 鄴都之理滯觀期睿力獲沐靈慈以今運心  
 謹當作禮

志心歸命 蠲消宿業天尊  
 志心歸命 超拔沈寃天尊

志心歸命 斷滅三惡天尊

志心歸命 出陟九幽天尊

志心歸命 蓬萊化跡天尊

志心歸命 崑崙飛身天尊

志心歸命 沖昇龍鳥天尊

志心歸命 緣會麟洲天尊

志心歸命 無所不度天尊

志心歸命 有念皆通天尊

志心歸命 大慈大悲救苦真人

志心歸命 大慈大悲拔難真人

志心歸命 大慈大悲滅罪真人

志心歸命 大慈大悲度厄真人

復憐諸大地獄諸大鬼穿七重鐵城七重鐵網有牛頭獄卒六十二眼而八頭一十八角而九尾手中執其鐵戟目中放其鐵丸罪人從頂而穿從足而出痛連骨髓苦切心肝求生不生求死不死石磨而輪迴歷劫鐵碓而上下無時煙火交飛鳥獸擊搏悉是惡道所感皆由宿業所招不規三光不識三寶於是元始天尊告曰若能繕寫斯經祿稱其肯靜

念而建壇立像志心而行道散花當道金剛神王天丁力士三界五帝一切眾靈大布慈悲廣臻福祉迴散起死鍊質成真慈光俯鑒於有情玄造遍施於無礙瓊鐘扣處盡開利濟之門玉磬銑時悉導宣揚之路賴其九清妙範託手十洞真詮冰庭而變作瑤池火屋而化為寶地鋒摧劍樹刃斷刀山當令長夜之沈淪盡逐今朝之解脫

收經

聞經得道隨念往生無盡玄功無邊容受復願解分宿對緣會當來所墮三塗悉蠲八難聞經得道隨念往生無量洪因無涯聖器復願潛停輪轉水斷牽纏悉趣騰輝死竟受鍊聞經得道隨念往生無極良因無窮妙力復願四司無滯九署潛通竟度未陵神遊紫府以今懺揚已蕩禮念將周各擁慈雲同超淨域遂得寬懷接步羽駕來儀飛陟太虛逍遙極樂

歎經

詳夫上品玄科中天寶藏列鳳篆龍章之跡

綴飛雲垂露之文功乃變通力能昇進是故因經所以明道因道所以立經苟無敷誦之勤焉解縈纏之道受罪之舍齒被髮銜寬之挿羽披毛莫不水火風刀輪迴生死會翕張於陰府當拷訊於玄司是用薦贊將伸懺拔伏惟侍香金媛典經玉郎上啓八門下通五戶演死寃生身之仙品騰神公受命之靈音能令歸向者開泰仙都諦聽者超凌惡趣息愛河之波浪設苦海之舟航廣布法橋俱踏道岸速奉霓旌羽節常陪鶴馭鸞輿徘徊於七寶經臺娛樂於三清洞闕九華韻閣萬石聲和既荷玄慈咸歸妙道謹值朝修之際得以香火之餘伏為上代祖宗未能遠適近亡姻眷尚在幽冥乞使抹破罪書掃除惡跡遂果韓司極度獲承鄴都開道齊朝極樂之天各會往生之府竊念目等所造穢心惡跡致涉因依凡貪爽口肆情有傷物命為生前之結業當命盡之報身不修懺贖之門難解繁仍之路街寬負債悉覲道遙羽族毛羣感蒙通變懺滌有感昭之力身口無挂礙之虞恭

惟金闕慈尊玉京上聖廣開愍惻特納宸祈  
俾令返朴之時無經八障還淳之且不歷三  
塗九景臺前乘風御氣五明宮內會道合真  
白簡上生三十二天之赤書受命黃籙削死  
百二十曹之黑籍勾名已往沾恩見存獲慶  
建一百紫虛之聖號應萬重丹漢之宸聰鈿  
軸啓時更助修持之力靈文誦處當伸朝禮  
之心寶香不斷於二時慧炬常然於午夜無  
盡妙善無量勝因大啓歸依廣伸懺悔  
太上消滅地獄昇陟天堂懺

太一救苦天尊說拔度血湖寶誡  
爾時救苦天尊坐九色蓮臺威光遍滿十方  
諸大天尊救苦真人一切仙眾說諸血湖產  
亡血疽罪業因緣時有妙行真人出班長跪  
告天尊曰臣今下觀慈界鄴都羅山諸獄異  
名九幽之獄次有二十四獄三十六獄一百  
八獄阿鼻地獄忤岳鋒刃十八地獄大小鐵  
圍無間地獄五湖四海九江泉曲地獄孟津  
黃波流砂地獄應化牢檻八萬四千幽獄凡  
遇赦恩皆準仁慈普雷大澤殊不知有血湖  
一獄在大鐵圍山之南別有大獄其獄名曰  
無間之獄獄之有獄號曰硤石之獄獄之東  
北地號血湖長一萬二千里周回八萬四千  
里下有一門名曰伏波乃血湖大神主之其  
獄有五一日血膾之獄二曰血冷之獄三曰  
血汗之獄四曰血資之獄五曰血湖之獄獨  
此一獄又列為五有硤石無間之號大小鐵  
圍之山皆分拘帶血之鬼腥穢無邊之衆以  
至食胎黃球之鬼與訟三官青姑黑齒之神  
拘覓九地天狼天狗競施吞啗之威六甲六

丁莫賜護持之力動經億劫無有出期乃是  
世間產死之鬼血傷之鬼墜墮斯獄緣此等  
罪報蓋生前多有狼毒損物傷人不孝不忠  
不仁不義航淫五濁靈識沈迷淪滯三塗形  
神散亂諸等罪鬼以夙生冤對受報茲身厄  
難血屍命絕產死或懷六甲命屬三元墮子  
落胎因而悶絕或母存子喪或母喪子存或  
母子俱喪男女未分而俱死或胚胎方成而  
遽死或染患而將臨產月或懷娠而失墜高  
低或藥餌誤毒而中傷或癰疽痢疾而身殞  
或崩漏至死或淋瀝而亡或懷胞胎而竟不  
分娩或生男女而月內傾亡或因血病至死  
或被刀刃所傷未盡天年乃為天喪或身殺  
干戈之下冤飛矢石之場或抱惡病而告終  
或犯王法而受戮形軀混濁神氣昏蒙一切  
血死之衆過體腥膻形骸臭穢千生萬劫無  
有出期況幽陰至苦業報最深硤石之獄不  
可聞見鐵圍萬市劔刃千重巨頂顛危中間  
一穴山漫黑霧陰霾自然惡毒之汁交流沈  
浸罪人煎煮身心骨肉潰爛苦楚難禁動經